

Home > GUGLIELMO D'AQUITANIA > EDIZIONE > Compagno, non puesc mudar qu'eo no m'effrei > Edizioni > Eusebi

Eusebi

I

Compagno, non puesc mudar qu'eo no m'Effrei
de novellas qu'ai auzidas et que vei,
q'una domna s'es clamada de sos gardadors a mei.

II

E diz que non volo prendre dreit ni lei,
ans la teno esserrada quada trei,
tant l'us no·ill larga l'Estaca que l'Altre plus no la·ill plei.

III

Et aquill fan entre lor aital agrei
l'us es compains gens a foc mandacarrei, ?
e meno trop major nausa que la mainada del rei.

IV

Et eu dic vos, gardador, e vos castei,
e sera ben gran<s> folia qui no·m crei:
greu verrez neguna garda que ad oras non sonei.

V

Qu'eu anc non vi nulla domn'ab tan gran fei
qui no vol prendre son plait o sa mercei:
s'om l'aloigna de proessa, que ab malvastatz non plaidei.

VI

E si·l a cartat lo bon conrei,
adoba·s d'aquel que troba viron sei:
si non pot aver caval ... compra palafrei. ?

VII

Non i a negu de vos ja·m desautrei,
s'om li vedeva vi fort per malavei,
non begues enanz de l'aiga que·s laissez morir de sei.

VIII

Chascus beuri'ans de l'aiga que·s laises morir de ssei.

- letto 482 volte

Source URL: <https://letteraturaeuropea.let.uniroma1.it/?q=laboratorio/eusebi-5>